


ÈSSE KI ÇA VOS A MANKÉ

k' dispû l' pådje 77 (k' vos n'î avoz nén vèyu k' on z-î lîjéve "do 16 di mårs" èt k'c' èst "d'may" ki faléve lîre) i s'a passé sakants afêres ki RABULÈTS n' vos a nén djôzé ? Waî, on n' èl pinse nén ! A crwêre èto k' nèlu n' nos a oyu bèrdèler c' djoû là dins l' posse : *on n' a mây vèyu d' novia a vinu rinde*



one pitite visite dsus lès rabulètriccèsès pådjes di l' arincrin. C' èst pokwè on n' s'a nén twardu l' cèrvia po sayî d' trover dès ène miète plêjhantès bièstrîyès dsus lès èlècsions k'lès rodjes èt lès bleuwes ont wangnî tot mètant foû d' l' êrdia lès vètes. Ki s' n' olivî d' *Dèleuze* pète èvoye di s' n' ècolo d' batia po on posse di rèsponsâbe dins one intèrnacionâle èmantchûre. Ki l' *Urban Trad* a fini à deus ponts dès prumîs à l' Urovîyezion avou on cèlte aîr di tchanson k' aréve stî ossi bèn avou dès vrêyès paroles è walon èt volu dîre ène sakwè k' lès otes ni s' è nn' arîne nén rindu conte. "*Sins s' lomer èle n' marimince wêre à purète, Aliya...*" Bah, après tot, èsse k'on xhoûte co lès paroles dès ritoûrnèles ?

È l' Irak, ki l' *Sådâmsèréve* co bèn vikant èt k' lès libèrateus n' sont nén à deus dwèts d'

arindjî
lès
bidons.

A
mwins
k' ça n'
lès
intèrèsse
ki d' lès
awè bèn
plins ?..

Kèsse ki
s' a co (è
Vanzèti)

passé dispû l' 18 di
may ? A, oyi, on va ptète
polu lèyî ricoru lès zotos à
Francortchamps : passki *Kim* (one
mârke di cigarètes bètchîye pa nosse
Albèrt) a fini deuzyinme à Roland Garros
odobén passki lès vètes n' sont pus là po mète
dès bordons dins lès rouwes ?

On aréve ossi bèn polu nwari dès rôyes po
conter l' grande bate à l' balebale à l' rakète
d' ène ardènwèsse, vineuwe au monde à
Marloye (o Lîdje ?), k' a crèchu à
Han èt fé sès scoles à Cîne èt
Mon, ki dimère à
Rotchefwârt tot
ratindant d'

bager à Wépion èt ki l' RetebeFe n' vout nén
lomer "Walone" mins k' li *Rwè, l' Rinne, lès
minisses èt tos lès ptits Princes* son-st-alé
voye èt rabrèssî dsus place à Paris... Minme ki
lèye on l'a vèyu proficiater dsus l' balcon d'
Ostè d' Vile di Brussèle ki lès *Rodjès Diâles* î
avîne sitî èto sins awè fini prumî ! Lèye, èle a
wangnî po s' moman, ki l' Bon Diè l' a è s'
paradis, ène pitite banslêye di 840.000 Uros ki
vont lî bèn sièrvu po monter s' noû
mwinnaedje avou Pîrîve. L' aroke là-ddins, c'
èst, k'a cauze k' èle a batu l' *William,
Bouxhe-todi* riskêye di nos suspinde l' èvol di
nosse payi d' l' Otan.... Oyi-da, on aréve èto
polu vos cauzer do film "L' mistère dèl Djane
place" ki nosse **Djulos Beaucarne** î djouwe
on n' pout mia. Mins, v'n'avèz k'a d'aler lî
vîre vos minme, na !